

Comunicaziun dla Diozeja

Le Vesco Ivo Muser y le Vicar General signor Eugen Runggaldier á mené fora en comunicat dla Diozeja en cunt dal „coronavirus“, con desposiziuns co val cina ai 3 d'auri 2020. Ai scii ensciö: „*Les dljies y capeles dla Diozeja romagn davertes y dötes les formes de messes y funziuns ven tignides ennant. A dötes les porsones plü vedles, desco ince a porsones co á sintoms de coies o co n'é en general nia cis bones, i vegnel aconsié da nia gní ales funziuns de dljia olache al tol pert bonamonter trepa jont, mo da festejé empara tres le radio o ti ciaré tla televijiun. Por evité i prighi da se taché le virus, dess i fedei co ven a messa tigni na destanza de 1 en meter l'önn dal ater. La Comegnun dess gní dada tla man empede tla bocia. I boché dal'ega santa te dljia ne dess nia gní emplis. Emplü dessel gní evité le contat diret, desco se dé la man pal segno dla pêsc o canche an fej les condolianzes pa na sopoltöra. Cina che les scores romagn slütes, dessun ince lascé ester les encuntades de grups, mituns y jogn, desco encuntades dai ministronc, dla schira jonila etc. Tal medemo tomp vegnel envié da perié por chi co é amarés, por sù familiars, por chi co fej les cures, por chi co fej sorvisc tai spitoi y chi co á la responsabilité da tó dezijiuns de sconanza y por le ben dla jont.*“

1 enformaziuns y termins

Preparaziun al Bato: l'Uniu dles Eres Catoliches dal decanat envieia düc i geniturs co á na picia creatöra da bacé, pers co aspeta, toc y totes ala preparaziun al Bato co ven tignida en **sabeda ai 21(!) de merz** (y nia ai 14 desco da program) dales 15:00 ales 17:00 tla Ciasa J.B.Runcher a Badia, prenotaziuns, ☎ 334 3200396.

KVW Senioreclub: al ven lascé alessei che le referat preodü ai 11 de merz á mossü gní sposté ai 18 de merz. Enformaziuns plü avisa l'ater iade.

Zenter Families: le ZFM organiseia en sabeda 28 de merz tal salf dles manifestaziuns d'Al Plan en marcé de secunda man por patüc da mituns . An podará porté da vene de vigne sort cosses, na lista ven menada fora ai soci dal ZFM y les locandines gnará partidas fora te paisc. Por deplü enformaziuns, contatede Marina, ☎ 3805145840 o Sylvia, ☎ 339 8625650. Enformaziuns é ince da ciaré sön la plata web: <https://www.zenterfamilies.com/ativite> o ince sön Facebook.

Udienda dla defensuria zivica Gabriele Morandell o de söa colaboradessa Verena Crazzolaro en vendres ai 13 de merz, dales 14:30 ales 16:00, te Ciasa de Comun a San Martin. Enformaziuns y prenotaziuns, ☎ 0471 946020.

Döt le bun a:	Erica Maria Trebo, Balsan	* 08.03.1945
	Teresa Rigo Taibon	* 09.03.1934
	Maria Rindler Daverda	* 12.03.1931
	Papa Francesco	lité 13.03.2013
	Lorenz Willeit	* 14.03.1939
	Angela Trebo, Bornech	* 14.03.1939
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsass
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



Ann A

08.03.2020 - Secunda domegna de Carsema

n. 15

Les strades dla salveza

📖 Gen 12, 1–4a | 2 Tim 1, 8b–10 | Mt 17, 1–9

Dal Vangelo do San Mateo:

Te chel tomp ¹á Gejú tut Pire, laco y so fre Jan da na pert y i á condüt sön na munt alta. ²Y al é gnü trasfiguré dan sù edli; so müs lominâ desco soredl y sù guanc é gnüs blanc adorbenc desco la nei. ³Te n iade é aparí Mosé y Elía dan da d'ei y ai baiâ con Gejú. ⁴Danló ti á Pire dit: Al é bun ch'i sun atló. Sce t'ôs, fajariái sö atló trei üces, öna por te, öna por Mosé y öna por Elía. ⁵Ciamó dertan ch'al baiâ, él sté n nio lominus co i á curí con söa ombria. Y fora dal nio á scraié na usc: Cösc é mio Fi bunorü, te chel ch'i á ciaré plaje; ascutédele! ⁶Canche i discepei â aldí cösc, á ciaré na gran tema y s'á peté cole müs ia por tera. ⁷Danló ti é Gejú jü pomez, i á pié ete y ti á dit: Loéde sö y ne éde nia tema! ⁸Canch'ai â ciaré sö, n'odéi plü degügn, ater co Gejú. ⁹Dertan ch'ai jea jö dla munt, i á Gejú comané: Ne stede a ti cunté a degügn ci ch'i eis odü cina che le Fi dal Om ne n'é ressorí dai morc.

Oraziun dal de

Periun! Bel Dio, tö nes as racomané de ascuté to Fi: nodrescesse con töa parora y purificheia i edli de nosc spirit, ch'i sunse bogn da conesce töa gloria.

Por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen

(Lezionar A)



📖 Letôres dla Terza domegna de Carsema:

Es 17, 3–7 | Rom 5, 1–2.5–8 | Jan 4, 5–42

Edema liturgica dai 08.03. ai 15.03.2020

DOM 08.	Secunda domegna de Carsema 08:30 gran messa por dōta la ploania → funziun con les Staziuns 10 y 18 <i>s.m. a Al Plan</i>	<i>Jan de Dio, Georg Michael</i> <i>oferta por la ploania</i>
Lön 09.	→ de d'oraziun personala y te familia	<i>Bruno da Querfurt, Franzisca, Dominicus Savio</i>
Ded 10.	07:30 s.m. por † Lena Frena Brandlechner, Sotró s.m. de rengraziamont por la sanité en onú de Santa Maria y signor Heinrich Videsott s.m. por vis y †† d'Ansele	<i>I 40 martirs, Gustav, Milio</i>
Dem 11.	→ de d'oraziun personala y te familia	<i>Rosina, Ulrich</i>
Jöb 12.	19:30 s.m. dai scolari dla mesana por † Carlo Ploner, Corterei s.m. por † Maria Maneschg ved. Comploi, Mōra s.m. por † Jep Konrater, Biei	<i>Gregor, Beatrix</i>
Ven 13.	→ de d'oraziun personala y te familia	<i>Iudith, Paulina, Leander</i> <i>astinonza dla cern</i>
Sab 14.	18:00 <i>s.m. prefestia a Al Plan</i> 19:30 s.m. prefestia por gní stravardés da epidemies s.m. por fam. Fabian y Natalia Pitscheider, La Pli s.m. por † Emma Frontull ved. Ellecosta, Longega	<i>Metilde, Gottfried K.</i>
DOM 15.	Terza domegna de Carsema De de solidarité por la patronat ACLI-KVW 08:30 gran messa por dōta la ploania → s.m. por vis y †† dles families Rovara, Aroth funziun con les Staziuns 10 y 18 <i>s.m. a Al Plan</i>	<i>Klemens Maria Hofbauer, Loise, Zacharias</i> <i>oferta por le patronat ALCI-KVW</i>
ampola:	por la sanité (al ven recordé che al è ince la posibilité da aposté cōstes intenziuns)	
ministronc:	• da doman y domegna: Jonas y Samuel • da sera y domegna: Natalie y Alexander	
i recordun:	Angela Erlacher ved. Terrabona, Al Plan	08.03.2018



Uauu ... ci bel! (Mt 17, 1–9)

I ponsi do

Gejú se mostra ai trei discepu de desco Fi de n Dio onipotent: la munt, la lōm, le sorel, le nio, la usc dal alt – dūc chisc é segni co manifesteia la presența de Chelbeldio. La Carsema é en tomp da sté pa Gejú y sontí la beleza y le plajei de sōa compagnia. I gnarun tuc ete da sōa lōm y i se sontiarun cherdés a la porté fora por le monn.

I preii ensciō

Gejú, fá ch'i sunse ince nos bogn da dí desco Pire: "Signur, al é bel por nos da sté pa te!" Fá ch'i le dijunse vigne iade ch'i jun a messa a ascuté tōa Parora y a ciaté to Pan; vigne iade ch'i fajun na esperionza d'oraziun y de chit; vigne iade ch'i sontiun che t'es pa nos tal cialt dl'amizizia y tla ligreza dla fraternité; can che tō se cherdes mostré ciarité por chi co á debojūgn. Al é bel da sté pa te can che i proun da meter averda a chi co encūnda tōa Parora, can che i sun con i ponsiers pa te dertan la melodia de na ciancia de lalt y de rengraziamont, can ch'i ciarun plens de morveia al ci plen de steres. Al é bel da sté pa te sōn la piza de n crep, fora sōle mer turbolent, sōn les munts plenes d'erba y tal desert da peres y assōt. Tōa amizizia se fej compagnia te vigne momont, post y situaziun, tōa Parora se dá coraji, tōa presența é lōm por nūsc vari. Al foss pō na matada da nia plū orei „sté pa te“!



Unité Pastorala Val Badia – “Aktion Verzicht – Azione io rinuncio”




Secunda domegna de Carsema

Danló ti é Gejú jü pomez, i á pié ete y ti á dit: Loéde sō y ne éde nia tema! - Mateo 17,7

Da cōsta Parora de Gejú ciafi la forza da loé sō: i ti dá n ennom a mia tema, i ti ciari, i baii empara y i lasci ch'ara se trasformeii te lōm y coraji da jí ennant.

La storia dla Tor de Bábel cuntada ai mituns (8)



Le miraco de Pasca de Ma

La costruziun dla Tor de Bábel é na storia co cunta desche la jont é gnūda despartida y ne se capía nia plū. Mo tla Sacra Scritōra él ince en n'atra storia, ōna co cunta desche ara rōa endō adōm. Tal tomp de Gejú viél a Ierúsalem porsones de deplū naziuns desvalies: ei y eres dla Iudea, dal Egit y dl'Arabia, da Roma y dla Libia, dal ijola de Creta y da trepes d'atres naziuns. Ai baiá dūc lingac desvalis y ai stontá da se capí.

Mo en Pasca de Ma do l'ascensiun de Gejú al Ci él sozedū val de straordinar: i discepu de Gejú s'á ascognū. Ai á tema da baié de sōa fede. Mo spo él gnū dal Ci en ont desco d'en temporal y le Spirit de Dio ea gnū sora de ei. Cialt y lironet desco fū él: ai ne capía nia ci ch'al sozedea. T'en iade ea la tema sparida, ai jea fora alaleria con coraji, cuntá ala jont de sōa fede y baiá te dūc i lingac. Y dūc chi co ea danló i capía. T'en iade ái endō ōnn en lingaz su y dūc ea na gran comunité.